

Na osnovu člana 16. i 17. stav (3) Zakona o pravima demobiliziranih branilaca i članova njihovih porodica ("Službene novine Federacije BiH", broj 54/19), a u vezi sa Rješenjem o ovlaštenju za donošenje podzakonskih akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i poduzimanje aktivnosti u cilju provođenja politike i izvršavanja federalnih zakona ("Službene novine Federacije BiH", broj 33/21), na prijedlog Federalnog ministarstva za pitanja boraca i invalida odbrambeno-oslobodilačkog rata, Premijer Federacije Bosne i Hercegovine donosi

PRAVILNIK

O IZMJENAMA I DOPUNAMA PRAVILNIKA O USLOVIMA, NAČINU I KRITERIJIMA ZA DODJELU JEDNOKRATNIH NOVČANIH POMOĆI ZA SLUČAJ SMRTI DEMOBILIZIRANOG BRANIoca - SUFINANSIRANJE TROŠKOVA DŽENAZA/SAHRANA DEMOBILIZIRANIH BRANILACA

Član 1.

U Pravilniku o uslovima, načinu i kriterijima za dodjelu jednokratnih novčanih pomoći za slučaj smrti demobiliziranog branioca - sufinansiranje troškova dženaza/sahrana demobiliziranih branilaca ("Službene novine Federacije BiH", br. 18/20 i 39/20) u članu 4. dodaje se nova alineja 12. koja glasi:

" - uvjerenje/potvrdu nadležnog općinskog/gradskog i/ili kantonalnog organa da nije ostvareno pravo na jednokratnu novčanu pomoć za slučaj smrti po istom osnovu".

Član 2.

U članu 5. dodaje se novi stav (4) koji glasi:

"(4) Izuzetno, ukoliko lice koje nije obuhvaćeno ovim pravilnikom podnese zahtjev za ostvarivanje prava na jednokratnu novčanu pomoć za sufinansiranje troškova dženaza/sahrana na obrascu iz člana 3. ovog pravilnika, a radi se o sufinansiranju troškova dženaza/sahrana obuhvaćenom javnim pozivom za dodjelu sredstava za jednokratnu novčanu pomoć za plaćanje troškova dženaza/sahrana boračke populacije, voditelj postupka kojem je takav zahtjev dostavljen u rad, isti će bez upuštanja u njegovo rješavanje zajedno sa pratećom dokumentacijom proslijediti na dalje postupanje nadležnoj komisiji za realizaciju javnog poziva za dodjelu sredstava za jednokratnu novčanu pomoć za plaćanje troškova dženaza/sahrana boračke populacije".

Dosadašnji st. (4) i (5) postaju st. (5) i (6).

Član 3.

Izmijenjeni Obrazac zahtjeva za priznavanje prava na pomoć u slučaju smrti demobiliziranog branioca - troškova dženaze/sahrane nalazi se u prilogu pravilnika i čini njegov sastavni dio.

Član 4.

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 01-02-59/22
16. februara 2022. godine
Sarajevo

Po ovlaštenju
Vlade Federacije BiH
Premijer
Fadil Novalić, s. r.

(Prezime, ime oca, ime podnosioca prijave)

(Broj LK)

(Adresa podnosioca prijave i kontakt telefon)

**Federalno ministarstvo za pitanja boraca i invalida odbrambeno-oslobodilačkog rata/ Federalno ministarstvo za pitanja branitelja i invalida domovinskog rata
Hamdije Čemerlića br.2, sprat VII (bivša zgrada Energoinvesta)**

PREDMET: Zahtjev za priznavanje prava na pomoć u slučaju smrti demobiliziranog branioca – sufinansiranje troškova dženaze/sahrane

Ovim zahtjevom tražim od naslova da mi prizna pravo na pomoć u slučaju smrti – sufinansiranje troškova dženaze/sahrane za _____ (navesti u kojem je srodstvu bio umrli demobilizirani branilac sa podnosiocem zahtjeva, npr: oca, supruga, sina i dr), inače demobiliziranog branioca _____ (navesti ime i prezime, te posljednje prebivalište umrlog demobiliziranog branioca).

Zahtjev podnosim u svojstvu _____ (navesti u kojem srodstvu je podnosilac zahtjeva sa umrlim demobilisanim braniocem) demobiliziranog branioca (npr. supruge, sina, majke i dr.).

Uz zahtjev prilažem (u originalu ili ovjerenoj kopiji):

- lična karta podnosioca zahtjeva;
- CIPS-ova prijava o prebivalištu podnosioca zahtjeva;
- kućna lista;
- izjava ovjerena kod nadležnog organa kao dokaz da je podnosilac zahtjeva živio u zajedničkom domaćinstvu sa umrlim demobiliziranim braniocem u momentu smrti;
- smrtni list umrle osobe (demobiliziranog branioca);
- uvjerenje o pripadnosti Oružanim snagama (u trajanju od najmanje godinu dana), izdato od nadležne Grupe/Samostalnog izvršioca za pitanja evidencija iz oblasti vojne obveze na obrsacu FMB 3a (za umrlog demobiliziranog branioca);
- za ZAPOSLENE podnosiocce zahtjeva: potvrda poslodavca da nije ostvario pravo na troškove dženaze/sahrane po istom osnovu,
- za NEZAPOSLENE podnosiocce zahtjeva: dokaz da su na evidenciji nezaposlenih osoba nadležne službe za zapošljavanje ili ukoliko se ne vodi na evidenciji službe za zapošljavanje, uvjerenje ispostave porezne uprave kao dokaz o statusu nezaposlenosti ili ček od penzije;
- za ostale ZAPOSLENE članove domaćinstva potvrda poslodavca da nisu po istom osnovu već ostvarili pravo;
- za ostale NEZAPOSLENE članove domaćinstva dokaz da su na evidenciji nezaposlenih osoba nadležne službe za zapošljavanje ili ukoliko se ne vode na evidenciji, uvjerenje ispostave porezne uprave kao dokaz o statusu nezaposlenosti, ček od penzije ili dokaz o redovnom školovanju;
- izjavu podnosioca zahtjeva ovjerenu kod nadležnog organa da nije ostvareno pravo na pogrebne troškove u skladu sa Zakonom o penzijskom i invalidskom osiguranju Federacije BiH („Službene novine FBiH“, broj:13/18);
- kopija kartice tekućeg računa banke ili potvrda banke, sa brojem tekućeg računa podnosioca zahtjeva;
- uvjerenje/potvrdu nadležnog općinskog/gradskog i/ili kantonalnog organa da nije ostvareno pravo na jednokratnu novčanu pomoć za slučaj smrti po istom osnovu.

Svojeručni potpis podnosioca zahtjeva

Shodno članu 5.Zakona o zaštiti ličnih podataka („Službeni glasnik BiH“ broj; 49/06, 76/11 i 89/11) kao nosilac gore navedenih i dostavljenih podataka saglasan/saglasna sam da Federalno ministarstvo za pitanje boraca i invalida odbrambeno-oslobodilačkog rata/ Federalno ministarstvo za pitanja branitelja i invalida domovinskog rata vrši obradu istih u svrhu realizacije gore navednog zahtjeva, trajno.